

مكتبة  
الأسرة  
١٩٩٨

مهرجان القراءة للجميع

الأعمال  
الإبداعية

# الموت على الأسفلت

عبد الرحمن الابنودي



الهيئة العامة  
للكتاب

اهداءات ٢٠٠٢

الأستاذ/ فاضل عبد العليم القبانى

الإسكندرية

عَبْدُ الرَّحْمَنِ الْأَبْنَوْزِيُّ

الْمَوْجِدِي  
الْأَسْفَلِي



# الموت على الأسفلت

عبد الرحمن الأبنودي



## مهرجان القراءة للجميع ٩٨

### مكتبة الأسرة

برعاية السيدة سوزان مبارك  
(الأعمال الإبداعية)

الموت على الأسفلت  
عبد الرحمن الإبنودي

الغلاف الفنان :

جمال قطب

الإشراف الفني:

للفنان محمود الهندي

المشرف العام

د. سمير سرحان

الجهات المشاركة:

جمعية الرعاية المتكاملة المركزية

وزارة الثقافة

وزارة الإعلام

وزارة التعليم

وزارة التنمية الريفية

المجلس الأعلى للشباب والرياضة

التنفيذ: الهيئة المصرية العامة للكتاب

## ■ المؤلف

- عبد الرحمن الأبنودى
- من أشهر شعراء العامية فى العالم العربى.
- حاصل على ليسانس الآداب قسم اللغة العربية/ جامعة القاهرة.
- صدر له خمسة عشر ديواناً شعرياً وخمسة كتب عن الملحمة العربية «سيرة بنى هلال» عن دار أخبار اليوم.
- له دراسة عن سيرة بنى هلال ترجمها المفكر التونسى «الطاهر قيقّة» للفرنسية وصدرت عن الهيئة العامة للكتاب.
- أقام أمسيات شعرية بمعظم أنحاء العالم العربى وفى كل مكان بمصر.
- عضو فى لجنة الشعر بالمجلس الأعلى للثقافة والفنون.
- تغنى بأشعاره أشهر المطربين المصريين والعرب.
- من مواليد قرية أبنود محافظة قنا صعيد مصر.





## على سبيل التقديم

---

تواصل مكتبة الأسرة ٩٨ رسالتها التنويرية  
وأهدافها النبيلة بربط الأجيال بتراثها الحضارى  
التميز منذ فجر التاريخ وإتاحة الفرصة أمام القارئ  
للتواصل مع الثقافات الأخرى، لأن الكتاب مصدر  
الثقافة الخالد هو قلعتنا الحصينة وسلاحنا الماضى  
فى مواكبة عصر المعلومات والمعرفة.

د . سمير سرحان

---




الإهداء ..

انتهيت من كتابتها فى نفس اللحظة التى ولدت فيها ابنتى «آية» فى ١٩٨٨/٨/٢١ ..  
فإليها وإلى من تحملت قسوة ميلادها ..  
«نهال كمال» زوجتي  
وإلى «ناجى العلى»  
الذى ألهمنى استشهاد حزن القصيدة وأفراحها

الحمد لله الذي هدانا لهذا







لما و على  
الأسفلت

---



---

أُمَّيْهِ .. وَاَنْتِ بِتَرْحِي بِالرَّحَى ..  
عَلَى مَقَارِقٍ ضُحَى ..  
- وَحْدِكَ - وَبِتَعْدَى  
عَلَى كُلِّ حَاجَةٍ حُلُوهُ مَفْقُودُهُ  
«اتَنْسِينِيش يَا أُمِّهِ فِي عَدُوْدِهِ  
عَدُوْدُهُ مِنْ أَقْدَمِ خِيُوطِ سُودَا فِي تَوْبِ الْحَزَنِ  
لَا تَوَلُّوْا فِيهَا وَلَا تَهْلَلُوْا ..  
وَحُطَّتْ فِيهَا اسْمُ وَاحِدٍ مَاتَ  
كَانَ صَاحِبِي يَا أُمِّهِ ..  
وَاسْمُهُ

نَاجِي الْعَلِي

---

ياقبر ناجى العلى .. وينك ياقبر  
ياقبر معجون بشوك مطلى بصبر  
الموت يقرب عليك .. يرتد خوف  
واذا ماخافش الموت .. يرتد جبر

ياقبر ناجى العلى .. يادى الضريح  
كان مَيَّتَكَ للأسف وطنى صريح  
تحتك فتى ناضر القلب .. غَضَّ  
كان قلبه .. أرض مخيمات الصفيح .

الأرض متغرببه .. والحلم ملوك  
خريطه شبه الوطن محاصرها سلك  
واقف وراها شريد عاقد إيديه  
حقّ الوطن ذلك .. للأرض .. تلك

غشيم فى حب الوطن .. طبعاً غشيم  
ياللى تحب الوطن .. من الصميم  
على طريقة العرب فى الحب .. عيش  
ولى .. تقى .. متقى .. لكن لئيم .



---

ناجى العلى فى الأغنيّة

هلّ عليّه

زى الغزاة البريّة

ماسبكُ رسمه

كام قلت له : قولها خفايف

نصّ شفايف

قالى : ياشاعر لوخايفُ

شوف الرسمه

والرسمه فيها دمع وضحك

وأرضي ملك

وإبن واقف خلف السلك

قُصاد رسمه

والرسمه فيها يهود .. بحاخام

والأنكل سام ..

وعرب لُطاف عايشين فى سلام

جُوه الرسمه

---

رسم الكفوف زى الصبار

« حنظل » برار

صبي قصير واقف مختار

قَدَامَ رسمه

رسمه لاتعرف تتحدّق

ولا بتناقق

عيب ناجى إنّه عاش صادق

عاش للرسمه

كان زى .. يائس يأس مُميت

لكن عفريت

دخل لأعداؤه فى البيت

شايل رسمه

والرسمه مافيهاش سما وبيوت

لكن لها صوت

ياناجى .. كان لابد تموت

برّه الرسمه

---

لو كل إنسان جزأته في الحياه .. علمه  
أنا الى سافر بلاد الإنجليز .. قتله

قتلت ناجى العلى لما رسم صورته  
يواجه الحزن فيها برايه مكسوره  
لما فضحتى ورسمتى صورته طبق الأمل  
ما عرفتى يكذب ولا يطلع قليل الأصل  
الناس بترسم بريشه وهوه ريشته نضل  
فضح رموز الروايه وهيه ع المسرح  
قتلته بايدى وايد غيرى فى آخر الفصل  
ويا بلادى .. ماتزعجيش نفسك عشان صورته .

○ ○

---

أهلى لا أهلك .. ولأهلك ساعات أهلك  
ماتحكليش ع اللى قتلك .. مش حاخذلك تار .  
ماملكش غير أحسبك خالص على قتلك  
قتيل فى غربه .. ييفرق عن قتيل الدار .  
ياماشى للنور .. ومِش ماشى على مهلك  
واحنا خطاويننا يمّ الموت .. تجيب العار .  
أنا الموساد .. والفساد .. قاتل كتير قبلك  
« كمال » .. و « غسان » .. وإسأل « ماجد ابو شرار »  
وحاموت .. لاشفتك .. ولا حاعرف فى يوم قبرك  
لاحاخط زهره عليه .. ولا حاغرس الصبار .  
حاولت قتل الجهل طلع الجهل متعلم  
واهه قتلك  
وحولك وانت واضح .. سِرّ م الأسرار .



---

أمّايه ..

وانتى بترحى بالرحى

على مفارق ضحى

وحدك .. وبتعددى

على كل حاجه حلوه مفقوده

ماتنسينيش يا امّه فى عدوده

عدوده


من أقدم خيوط سودا فى توب الحزن

لا تهللى فيها ولا تولولى

وحطّى فيها إسم واحد .. مات

كان صاحبي يا امّه ..

واسمه .. ناجى العلى .



---

أطفالك البؤسا .. قاموا هناك ورا الأسلاك  
بيفتحوا بالضوافر .... فكرة الشَّبَّاك  
مين أول اللّى رسمهم فى الصحف إلّاك ؟  
قلعوا الهدوم القُدام .. وطلعوا بهدومك  
إصحى يانا جى العلى .. قامت القيامة هناك .

قامت قيامةُ تمانيه واربعين .. غارقه  
فى طريقها ذلّ السنين العاقر الناشفه  
إصحى يانا جى العلى .. أهى صِحتِ الضفّهِ  
يقشعروا الأرض .. إصحى جـاوب الهـزّه  
سِنَ القلم من جـديد وارسم بنات غَزّه  
غزّه الى حضنِ سلوكها وعشقت الحزّه  
ماماتِشى .. طب مانتِ مُت .. عرفت تتوفّى ؟

---

ومن الزوايا والأركان

خرج الطوفان :

ألوفات شُبَّان .

إصعد يادُخان

إبعد يا شيطان

إجن يا حبان

رجع الاسم ورجع العنوان .

يغلي البركان

ويفور

ويدور

إته السور .. طلع الإنسان .

---

الصدر العارى عليه الوشم :  
« خريطة الدم .. فلسطين  
يا أحلا الأوطان » .

مين قال بعنا ؟ .

مين قال ضعنا ؟

ياتمانيه واربعين كدابه وكدابه ياسبعه وستين

التار له نار طىّ الكِثْمان

واليوم يا خليل

يا جليل

يا بيت لحم .. الإعلان .

يا .. صوت الطفل الى يحررّنى ف بلدى

بَارَكْ رَبِّىْ فَيْكْ ..... يا ولدى

يا .. نهر النار الفايره اوعى تبطل جَرَيان

دِراعات الوحش الغاضب .. أصوات الكروان

راجح

فالح

مازن

مروان

وأخذنا بتارك يا غسان



---

« يا كمال ناصر »  
دمك حاصر  
أعداءك .. مش بس في لبنان .  
با ... « ماجد يابو شرار » جينا  
دمك فينا  
لسة سامعينك تناديننا .  
ماعادتش الدمعه مكتومه  
صبحت صرخه .  
صبحت صرخة روح محومه  
تصفع « روما » .  
ع الكتف نشيلوا سرير الفندق ونشيلك  
مواويل الثوره مواويلك  
تحت قيصك غنوة شهدا  
من كل مخيم ..  
زاحفه ياماجد تحت الثورة تغني لك .  
عطر الأنبياء في مناديلك .  
أولادك يابو شرار بالطوب  
عدلوا المقلوب .  
شطبوا كل القدر المكتوب .

---

فتحوا بوابة الفجر

وواجهوا الغدر

وصاحوا : يا فلسطين

( يسقط كل الكذب العربي )

( يسقط كل الاخوه الخائنين )

نرسم بالدم خريطه للأوطان

إتقلت الجان

والمسجون قام يأكل السجان

دارت دارت

العجلة والدنيا احتارت

دارت دارت

لعبتهم بارت ..

قوتهم خارت .. وانهارت

والدايره على الباغي دارت

دارت .. دارت

يادنان الكبث .. الظلم .. القهر .. على الطرقات .

فارت .

ومخيم بات .. وصبح ميدان

الدنيا اتحطت واتشالت

---

أطفال الأرض المحتلة  
أطفال الدنيا المحتلة  
أطفال السنوات السودا  
رفضوا الذلّ .

يا كَلَّ العرب المعروبه  
ياراس العرب المقلوبه  
يا جيوش النصر المغلوبه  
رجعت أرواحنا .. المنهوبه  
رجعت إرادتنا المسلوبه  
بتحارب بالصوت والطوبه  
أصحاب الأرض الأصليين  
أصحاب النور والليل والطين  
نبئت فلسطين  
أصل فلسطين  
روح الأمه ..

إزاي لاجئين . ؟

---

على أسفل الشارع شهدا  
على أسفل الزنازين مساجين  
يا فاجر ارضع من دم الطفل  
يا سجن اوسع كثرنا القفل  
بدأت حكايثنا ومش راجعين ..

مش راجعين

مش راجعين





---

على قدّ فَرَحِي الشديد .. على قدّ خوفي الشديد  
أحمل إيماني الأكيد .. يحملني شكّي الأكيد  
وقدّ ما قَرِيبُ يا بكرة قدّ ما انت بعيد  
أنا المُسَيِّس .. خفيف الظل .. أنا الصامت  
راقص في قلب العزا .. باكي في صبح العيد .

من كتر ماشُفْتُ .. ما باصْدَقَش إيماني  
أنا شاعر الشمس .. وادي الشمس ناكراني  
تنساني في فرحها ، في الحزن فاكراني  
وأبني طوبه .. في قلبي تهدّ ميت طوبه  
منين تيجي التوبه عن هُك يا أوطاني !؟

---

وياموت يامدفع في شُرَياني بريح سودا  
الهمّ .. دايمًا بيرحل .. بس ليّه عوده  
ماتت جناحاتي لكن لسه مفروده  
وياقلب .. ياكلب .. تَنَك صاحي وبتنبح  
بطل تَعَدَّد .. فلسطين لسه موجوده .

ياوطني .. أفضنى .. وَلَا رَدَّ فَيَا الفُصْم  
خَلّني واحد .. ولو .. لطختني .. بالوُصْم  
لوا الخرايط .. بتُصَدِّق كنت اعيشها .. رسم  
وانقش خريطتي .. عبيطتي .. فوق جدار قلبي  
سِيْلِكَ الخَيِّمِ إِبْرِيَا قدس .. واني الوشم .

---

منين أجيب ناس لمعناة الكلام يتلوه  
إذا كنت باجى أقوله نصّ عقلى يتفه

لأ .. نحاول  
الكلام مش مُستجيب .. والصمت عار  
والمسافه بعيده بين الفعل والقول البليد  
لكن نحاول .  
لا القصيدة حتجربى ع الأسفلت  
ولاترمى حجر .  
ولافوق أكتافها راح تحمل شهيد  
ولا حتبعد خطر  
ولا حاتقرب بعيد .  
الكلام - آخر المطاف - هوه الكلام  
والدم دم .  
القصيده توصف الدم الذكى  
ماتشيلش نقطه .



---

تَوْصِفُ الأمَّ الَّتِي مَاتَتْ بَنْتُهَا قَدَامَ عَيْنَيْهَا

بِسَ وَصْفٍ

وَصْفٍ جَيِّدٍ .. وَصْفٍ خَائِبٍ

وَصْفٍ صَادِقٍ . وَصْفٍ كَاذِبٍ

فِي النِّهَايَةِ .. كُلُّهُ وَصْفٌ .

كُلُّ شَعْرِ الوَصْفِ ..

مَا يَسَاوِي شَيْءٌ فِي سَوَاقِ الْحَقِّ صَرْخَهُ .

الْكَلَامُ عَنْ كُلِّ دَهْ

شَيْءٍ مِ التَّطَاوُلِ ..

إِنَّمَا .. لَازِمٌ نَحَاوُلُ .

الْحِجَارَةُ الَّتِي فِي رَفْعِ وَفٍّ غَزَةٍ

وَفٍّ بَيْتِ لَحْمٍ

وَفٍّ بَيْرِ زَيْتٍ

وَيَافَا

وَالْخَلِيلِ

وَالْمَدَنِ كُلَّتْهَا

مَشَى هَيْهَ الْحِجَارَةِ .

الْحِجَارَةُ الَّتِي فِي إِيْدِي نَوَّارِ فِلَسْطِينَ الصِّغَارِ

مَاهِي شِجَارَةٍ .

---

أنا باعرف الحجاره  
ياما طوَحنا حجاره  
حجارتكم .. مش حجاره .  
ع الأقلّ ..

بتختلف عن الحجاره الى ف شارعنا .  
زى ماشارعكم ييفرقُ عن شارعنا .  
الحجاره الى ف شارعُكم ..  
كائنات نابضة وحيه  
كائنات مش جامده ولا ثابته .  
والحجاره الى ف شارعنا ..  
ميته

لا .. تن الصيف من لسع الحراره  
ولا يعرش جلدها مرور الشتا .  
عمرها ماتغنى غنوه  
ولا بتردد هُتاف  
لونشيعها .. تخاف .  
عمرها ماتتن ولا تحتج من ضرب المعاول .  
الحجاره الميتة الباهته الكسيحه  
الحجاره إल्ली الأمم المقاول .



١٩٩٨

## بطاقة تقييم الكتب

«مكتبة الأسرة»، ترحب بأرائك واقتراحاتك فيما يتعلق  
بالسلاسل التي تصدرها المكتبة ومدى قدرتها على تلبية رغبات  
القارئ، لمتعته وفائدته.

الرجاء ملء البيانات التالية بعد قراءة الكتاب وإعطاء ورقة  
الاستبيان إلى البائع أو إرسالها إلى العنوان التالي :

مكتبة الأسرة : رئيس هيئة الكتاب - كورنيش النيل - رملة بولاق

١ - عنوان الكتاب

المؤلف :

مكان الشراء :

معلومات عن المشتري :

إملاء وضع علامة ( ✓ ) في الخانة التي تطابق الرد

المن ☐

أنثى ☐

ذكر ☐

• لماذا اخترت هذا الكتاب؟

السعر ☐ اسم المؤلف ☐ مادة الكتاب ☐

• التعليم :

☐ إعدادي ☐ ثانوي ☐ جامعي ☐ ماجستير/دكتوراه

• العمل : ☐ لا يعمل ☐ يعمل ☐ المهنة ☐

• أي نوع من سلاسل مكتبة الأسرة يعجبك أكثر؟

الأعمال الإبداعية ☐ الأعمال الفكرية ☐

الأعمال العلمية ☐ الأعمال الدينية ☐

كتب التراث ☐ روائع الأدب العربي ☐

☐ روائع الأدب العالمي للناشرين

امهات الكتب المترجمة ☐ الشباب ☐

• هل تقترح إضافة أعمال أخرى إلى الكتب وماهى؟

• كيف تقيم محتويات الكتاب بصفة عامة؟

☐ جيدا جدا ☐ جيدا ☐ ضعيف

• كم كتابا تشتريها سنويا من مكتبة الأسرة كل عام؟

• هل استمتعت بهذا الكتاب؟

نعم ☐ لا ☐

• إذا كانت الإجابة بنعم فماذا أعجبك في الكتاب؟

☐ المعلومات الجديدة

☐ القيم الفنية الرفيعة

☐ جمال الأسلوب وعمق التجربة الانسانية

☐ القيم الانسانية

• هل تعرف شيئا عن الكاتب

نعم ☐ لا ☐

• هل تعتزم قراءة أعمال أخرى لنفس المؤلف

نعم ☐ لا ☐

• هل تقترح إضافة أعمال أخرى لنفس المؤلف

نعم ☐ لا ☐

• هل لديك ملاحظات على طباعة الكتاب من حيث :

الايخراج الفنى ☐ ممتاز ☐ جيد ☐ ضعيف

الطباعة ☐ ممتاز ☐ جيد ☐ ضعيف

الغلاف ☐ ممتاز ☐ جيد ☐ ضعيف

• هل ترشح هذا الكتاب لأحد غيرك؟

☐ نعم ☐ لا

☐ من الأقارب ☐ من الأصدقاء

•• اكتب باختصار رأيك فى مشروع مكتبة الأسرة...

---

والحجاره الى ف شارعكو فلسطينية  
زى ما انتو فلسطينية  
فى قلبها نبض القضية  
مشاعرها .. إنسانيته  
عارفه أصحابها وأعداءها وذكىه عن القنابل .  
والقصيده ..

مشكلتها فى التناؤل .  
مشكلتها فى البداية والنهاية  
مضامينها وشكلها  
وعديد من المسائل .  
القصيده قصيده  
بس الفعل فعل .  
هل نكفّ عن المحاولة ؟  
أو نحاول ..؟

لو سكتنا .. يقولوا : ضاعوا  
لو وقفنا .. يقولوا : باعوا  
وإذا قلنا ....  
يقولوا فىن الكلمه من رُميهُ حجر ؟  
صرخة قتيل ؟

---

ثورة الأطفال

تخلّي الشعر لو كان عبقرى ..

وزنه قليل .

يارفاقه .. شعرنا ماهوش بخيل .

أعذروا الشعرا إذا خرسوا النهارده

وأعذروا الكلمة إذا احتارت ودارت

النهارده .. الغنوه للأفعال.

وأعذروا العواجيز إذا صمتوا النهارده

واستكانوا للرقاد فى الصبت مده

النهارده .. الصرخه للأطفال ..

الكلام مايشيلش جته .

الكلام .. مافيهش دم .

الكلام مافيهوش هجوم ولا تراجع .

الكلام .. مالوش لجانه .

الكلام .. ماهوش مخاضر بالمدافع .

لادكاينه بتقفل

ولا تشتم غيطانه

ولا قاطعين عنه نوره أو مياهه

ولا ممنوع م العمل .

ولا مشلول بالحصار الاقتصادى .



---

ولا بالغاز المسيل للدموع .  
ولا يبعانى عطش وبعانى جوع  
زى أصغر طفل فى الوطن المقاتل ..  
نسكتوا ؟. ولا نحاول ؟  
لأ نحاول  
لأ .. نحاول  
لأ .. نحاول .



---

القدس قُدسى .. يمامةٌ صيف .. فى غِيَتِها  
تطير .. تجيئى .. بأشواقها ..... وَغِيَتِها  
فاكرانى .. من يدّ صيادها .. أنا ... اغيتها  
فاكرانى صوت الآذان الحىّ فى « حطين »  
وخبّى فى ضلوعى قلبك يا « صلاح الدين »  
شايل صُراخ اليتامى ولوعة المساكين .  
فاكرانى كفن الشهيد وخيمة اللاجئين .  
وأول الأتقياء .. وآخر الهاربين .  
تجيئى .. وتبوسنى .. وتملّس على خدودى  
هاربه بمحدودها القدام .. تتحامى فى حدودى  
تبكى على صدرى ذبّكة حزن على عودى  
تبكى وفاكره حاهدها واسكتها  
أنا يالى من موت شرايبنى اتنسج موتها  
وصوق يوم الغنا الباطل بلع صوتها  
مافيشى فى قلبى .. ولا آهه .. أموتها

---

كل الآهات ميّته .. أنا حبس همى .  
نَزَعْتُ صورَها من بُكرِيا .. من أُمى .  
حطين .. لاحطينى .. ولاقدس الموم قدسى .  
ولاعارفه تنساقى زى مأتّته ونسيّتها .  
القدس تيجى يمامة نور مطفيّه  
طالعه لى م البرد .. للصيف الجديد تسعى .  
فاكره فى كفى طعام وف قلبى أخويّه  
هيّه الى مش واعيه والّا أنا الى مش باوعى ؟  
لادمع يسقى عطش عيى ولاميّه ..  
ياخزن لاتترجمّه آهه .. ولادمعه .  
ماكنا فاكرينّا أطفالك ياست الكلّ  
الكذب مايجيش قُمه إحنا مش أطفال  
وكنا فاكرينّا أبطالك .. أياذى السيف  
سيوفنا من قش ودى ماهيش إيدين أبطال  
ضيّعنا ع القهوه نصّ العمر تتّأوب  
ننتظروا من ربّنا تتحسنّ الأحوال .

---

يا قدس لى جناحك وارجمى تانى  
لاتصدق قولى ولا تثمنى أحضانى  
نامى فى حضن العدو .. هُوَ العدو الأول  
يا قدس خافى قوى من العدو التانى  
الخنجر المحتفى وإننى فاكراه ضلع  
الأفعى ورا ضحكى والموت فى أسنانى  
وصفحتى فى النضال  
بيضا يياض الثلج

لى الجناح .. البنى ف قلبى مسكونه  
بِيام غريب الوطن  
حيته .. يوم مارطن  
يوم مالتهم خضرتك  
فدان ورا فدان .  
يوم ما طرد أسرتك  
إنسان ورا إنسان .  
يوم ما هدم ماديتك  
وكسر الصلبان .

---

يوم مازحف أفعى وبتحاصر  
دبح الفلسطيني وقتل  
جمال عبد الناصر .

يا قدس قولى لحيطانك إثبتى بقوه  
حيخلصك إبنك الى أنا مانيش هوه  
لاتبعثى عن حلول ..

الحل من جوه

الحل من جوه

الحل من جوه .



---

الفجر صَعْبُ المَرَّاسِ يَسَاقِبُضِةَ الحَيَّالِ  
يَاثُورَةَ لَا لِيَهَا عَمَّ .. وَلَا أَخُو .. وَلَا خَالِ  
قَدْرَكَ وَطَنَ يَشْتَرِي الوَطَنِيَّه بِالأَمْوَالِ  
وَأَنَا قَدْرِي أَحْلَمُ بِصَوْتِكَ .. وَبِدَوَامِ دَمِّكَ  
وَيَوْمَ يَمْلَأُوا الكِبَارَ الفُرْجَه عِ الأَطْفَالِ  
أَنَا حُلُو فِي الشَّاشَةِ فِي الجُورْنَانِ لَكِنْ ظَلَمِي  
تَقِيلُ .. يَا أُمِّه بِأَسَاقِي .. بَتَسْلَى  
لِلسَّادَةِ شَاي سَادَهُ وَأَنَا دَمِّي إِلَى يَحْلَى  
وَكُلَّ يَوْمٍ قَطْرَهُ قَطْرَهُ السِّدْمِ يَسْرِبُ  
مَسْتَنِي إِيَّاهُ يَا وَطَنَ ؟ لِمَا أُغِيبُ كُلِّي ؟  
بَتَدْفَعُوا المَالَ خِلَاصَ ذَمِّهِ دَه وَالْأَذْكَاهُ ؟  
مَعَاكُو أَمْوَالِ تَنْسَى البَّكَاءِ طَعْمَ بُكَاهِ  
وَتَقْتُلُوا فِي ضَمِيرِ الفَجْرِ أَيْ حَيَّاهِ  
أَبْرِدُ مِنَ التَّلَاجَاتِ يَا دَمْنَا العَرَبِي  
مَأْسَاقِي مَشَ مِنْ عَدَوِي .. أَنْتُمْ المَأْسَاهِ

---

لكن فلسطين أهـه في القلب والقبضه  
لكن فلسطين أهـه جوّه العروق نابضه  
عارفه القديم والجديد . قاريه قوى وحافضه  
طاهره في ساعة الأذان .. وتصلى في الشارع  
يا وطنى أدى الدّمما .. لوغزت تتوضّى

يا قدس يامّ الشهيد في العتبه عاتقيني  
أنا متّصل بيكي من وطنى ومن ديني  
يامسجدى الأقصى أقصى ما في الدموع عيني  
وأقصى ما في وريدى الدم بعد الهـم  
واخوتى مش هنا .. يا قدس سامحيني



---

حبیبتی .. کل مابانسی  
تفکرنی الحاجات ییکی  
أَنتُک .. تدمعک عینی  
کأنی مش حاغنیکی .  
دما یا .. ماتستاهلش تکون  
کُحْلة لیلہ لعینیکی .

وانا الدرویش  
أنا السابح بمسبحتی .. ومبخرتی  
وتوب الخیش  
أغنی لک  
وأموّل لک مواویلك

ماتسمعینیش  
ولاتشوفینیش  
ومش لازم .. مادام عایشه  
مادمت باعیش .  
ویاما بیکی عقلی انجن  
وانتی الآن  
إنّی الظنّ  
وانتی قلمی لحظة فنّ .



---

ياغنيوتي

أنا أحزن أغانيكي .

وإنتي الحلم .. آه من حلم

لا نسيني ولا نسيكي .

يبيعوا اللون

يغشوا الدم

يهذّوا الكون

يشيلوا الكيف في عبّ الكَمّ .

أنا أنفاسيك الخضرا

وأنا المرح اللي في جبينك

أنا الخنجر في شريانك

وأنا اللقمة في إيد طفلك

أنا قبرك وأكفانك

وأنا الشمعايه في حفلك

أنا الجاهل لكن باقرا

وبافهم غاية النظره .

أنا دارك وأنا أهليك

وأنا وردك وأنا نسلِك

---

أنا رَغيفِك وفَرَّائِه  
وحطب النار ..  
وزيتونِك وزَتَانِه  
أنا القاطِفُ وأنا العَصَّار .  
وإسلامِك وقرآنِه  
وقلبي مُنشد الأذْكار .

أنا العابد  
أنا الزاهد  
أنا الى محب .. مايلومنيش  
أنا العاشق ..  
أنا الدرويش .  
« صلاة الشورة ماتفوتنيش  
ودم شهيدى وصَّانى..  
بماء تانى  
بماء من نبع نورانى . »  
فى قلبى مافيش  
- فى أسرارى ولاحكايقى - إلا انتى .  
ياخيظ النور  
ياكوّه فى سور  
يانور منظور  
ياخير محظور

---

أنا الإيد الى مانعاني  
أنا الآير .. وانا المأسور .

أنا الغايب  
أنا الدايب

- صَبَاة - والجناح مكسور .

وانا التايب ..

عن الماء الحرام والعيش .

أنا الدرويش

أبو الدراویش

جناحات قلبي من غير ريش .

وحاؤريني

صعيدى .. بس قولى إيه ؟

فلسطينى .

ومصرى .. بس قلبي إيه ؟

فلسطينى .

وعربي .. بس أصلى إيه ؟

فلسطينى .

فلسطينى .

فلسطينى .

---

وإنا الدرويش

أنا الماشي وإنتي الفكر

أنا المجنون في قلب الذكر

ومحتكر المحبة اليكر .

سكنتي إزاي كده في عيشي ؟

ونخشتي في نخاشيشي ؟

كأنك فيا مولوده .. وموجودة .

ومفقود حب مفقوده .

وأغانيكي أنا هيه .

على صدري غيطان زعر « وميراميّه » .

ميراميّه على صدري

ويوم ما أموت

تحشيها .. وترميها على قبري .

أنا المنقوش في كفيّيك

ياموشومه على صدري .

ياكبشة عطر ربحاني

ياصوت دمي اذا يسري .

ولا يفصلنا يوم فاضل

وده الحاصل

فأتلومينيش .

ده انا الدرويش .

---

أنا المقتول

أنا المهبول

أنا اللي با اذرويش الدراويش .

بافرق جرحى ع الثوار

واكفن ميّتى .. بنوار

وفي صفوفك تلاقيني

أفرق عيش .

ما تحرقش عبايى النار

ولا اللّحيه .

ومن حاره إلى حاره

ومن شارع إلى شارع

ومن ناحيه إلى ناحيه .

يقابلنى العدو برصاص

أقوم نافضه من الجبهه الرصاص وارميه

كأنه قش .

قلوب الأوليا

نيتّها لاتتفشّ .

أنا الدراويش

ما ينقصنيش فدا واخلص

والرجعه .. ماتنفعنيش .

---

صورتها تطلّم الطّاقه  
عيونها السودا عشّاقه ومشتاقه .  
وانا الدرويش بانزف دم  
وسّع لى الطريق ياعم  
وماشى بجرّحى مش مُهمّ

يا عرسى يا انتفّاق موقى  
حبیبى .. ساكنه فى صوتى  
وماسك إيدها فى السكه  
تسابق خطوتى ضحكه

ولون الدم فى صدرى ماسكّ نيش  
وخلانى أعيش وأعيش  
أعیش درویش یادرویشه  
یادرویشه واموت درویش  
أعیش درویش

وامشى أدروش الدراویش  
واغنّى أدروش الدراویش  
واموت بأدروش الدراویش

حبیبى تعیش

حبیبى تعیش

حبیبى تعیش .

---

الصخر لو ينفجر .. النُّبع إليه ذنبه ؟  
سباق في ساحه ما بين إنسان وبين قلبه  
مادام لموت .. إحمل السيف اللى بتحبّه  
واذا اندفعت اندفع .. واذا انْ وقعت تسدّ  
طول عمره وطنك يحلم بتسدى حربيه .

وجى يا بلد الحرايق واصرخى .. يجنون  
واحرقوها مُدن وكروم وناس وسجون  
ملعون أبوها الحمامه أم غصن زاتون  
معموله لاجل الضحايا يصدقوا الجلاد  
أجبتك العُمُر يا فلسطين واموت مديون .

يا إيد يا متكتّفه ... يا ضهر يا منجلد  
يا طفل .. مين ورثك الإحتال والجلد ؟  
يا طفل بهوم رجال .. يا بنت قبل الولد  
يا أرض تطرح حصّ يا قلوب بتطرح عند  
مين الى قال الكلاب تسكن عرين الأسد ؟

---

طلع مش مَهْمّ السّلاح  
طلع يَفْغى عَنْهُ الحجر ..  
طلع مش عَوِيص الكفّاح  
مادام فيه إرادة وبشر .  
طلع مش بعيد الصّباح  
ومستنىّ .. خلف الشجر .

وياما حاولنا نكون  
لاكُنّا ولايُخزّنون  
خبرنا وضوح العيون  
وعكّرنا صَفو الشجون  
وماتت تِلال الزاتون

عشان كنا برّه الوطن  
وأفضل فلسطيني فينا  
بَلْغَة المنافي رطن .



---

ولما ضياء الفجر لاح  
نيران حمرا لـون الجراح  
وساعة ما صاح الى صاح  
وساعة ماشاء القدر  
طلع مش مهمّ السلاح  
مادام فيه أيادي وحجر .

فلسطين بجيش مش منظم  
بتزحف صفوف م الخيم  
قصاص عُمّر والبادي أظلم

وطفل الحواري انتشر  
وصوت الحواري انتصر  
وجيش العـدد وانكسر  
ساعات نملوا وشّ الصباح  
ساعات ماتلاقيلناش أثر

طلع مش عويس الكفاح  
مادام فيه إرادته وبشر  
طلع مش مهمّ السلاح  
طلع يغني عنه الحجر .

---

يا بخت كلّ الى يفرد للوطن شاشه  
وبوش واحد يقابله وينسى أوشاشه  
عاشوا الى ماتوا .. ولاماتوا الآ من عاشوا  
يانبثع أحمر ييزحف ع الشجر والتلّ ..  
حيّ الشباب الفلسطيني وقول : عاشوا

عاش الى هزم العدو بتقدّمه العلمى  
الصدر عارى .. وإمتى الصدر كان مخمى  
عدو .. مايرمى الآ أحلانا ساعة يرمى  
يامتجه للوطن .. إتبع خطاوى الدم  
أنا الشهيد الى باعه حلّك السلمى

تضرب دراعك رصاصه لاتحسّ الألم  
لك يدّ تانيه قوام تنقل إليها العلم  
يضرها برصاصة تانيه تنفجر بالندم  
ع الى اتخلقت يا يدين .. وانت فى حاجه ليدّ  
( تعيش فلسطين ) تقولها . تتكتب بالدم .



---

سنه كامله عدت وانا صاحي  
إسم بلادي هوّ سلاحي  
والثورة بتسهر صَبّاحي  
في الحارة الفلسطينية

ألف سلامه .. ألف سلامه  
يا غلّمي اللي ظلموك .. ياما  
حتى الدُنْيا .. ليها قيامه  
في الحارة الفلسطينية

أعلامي سودا من الهمّ  
أحلامي حمرا وده .. دمّ  
في الأكفّان البيّض نتلمّ  
م الحاره الفلسطينية

ياسلام طالعه ياثوآرها  
أجسادنا سلّم لقمّرها  
الأطفال خلّعت أغمارها  
في الحاره الفلسطينية

---

ياأرض الرسالات باركيننا  
بنوفى النّدر الى عليتنا  
بأذيين من موت واحد فينا  
في الحاره الفلسطينيه

الثوره ضد الصهيونى  
هيه عقلى وهيه جنونى  
واتقهقر لـ يرّدونى  
للحاره الفلسطينيه

الحاره الفلسطينيه  
لسّاها بتنجب أنبيّا  
موجة البحر الرايمه وجايه  
للحاره الفلسطينيه

ياحجارتى .. لسلّاح الواطى  
ياقنابل .. يارصاص مطّاطى  
أنا ماشى معدول وصراطى  
الحاره الفلسطينيه

---

أنا بادی وف یدی حجارة  
وجهنم .. أولها شرارة  
الوعی الى كأنه بشاره

م الحاره الفلسطينیه

أنا ثوره .. وسينالكوا الدوله  
بتقولى : لاقوه ولاحوله ؟  
أهو لینا شرف الماؤله

فی الحاره الفلسطينیه

وباواجه كل ماباقتدم  
الدوله امّ الجيش متنظم  
أمريكا .. هزمها الخيم

فی الحاره الفلسطينیه

مولود محتل ومتكتف  
مولود متنمر متصنف  
أشقنى .. إعيدم اتعسف

الحاره فلسطينیه

أنا أعلا ما فإ صوتى .. سكوتى  
واحلا حياه باعشقها .. موتى  
أنا أرضى وجوى وملكوتى

الحاره الفلسطينیه

دمعى نزل ع الطَّلُّ .. زى البَلَلُ والسَّيْلُ  
فَتَّتْ حَيْطَانِي وَجَرَفْنِي فِي مَجَارِي اللَّيْلِ  
ظَنَيْتَنِي فَارِسٌ .. أَسَدٌ .. صَنِيدٌ .. شَدِيدُ الْحِيلِ  
يَوْمَ أَلْقَا .. اتَّقِدْمُوا الْفَرَسَانِ لِبَحْرِ الْمَوْتِ  
انْكُرْنِي صَوْتِي الْقَدِيمِ وَأَنَا مُرْمَى تَحْتَ الْحَيْلِ .  
الْفَجْرُ عُرِّه مَاقَالَ لِلَّيْلِ : عَنْ إِذْنِكَ .  
يَطْلُعُ .. يَغْمُضُ عَيْنِيكَ .. يَصْرُخُ يُصَمِّ أذْنِكَ .  
يَهْجُمُ .. يَعْرِِيكَ .. يَخْلِيكَ تَحْتَرِمُ وَزْنَكَ  
مَش كُنْتَ بَتَغْنِي لِلْفَجْرِ السَّجِينِ يَطْلُوعُ ؟  
أَهْوَانِدَلْعُ .. لِيَهْ مَقَابِلَ فَرْحَتِهِ بِحَزْنِكَ ؟  
زَى الْعَدُوِّ إِنْتَ - صَدَّقْنِي - وَكَلَّكَ زَيْفُ  
فُضِيتَ لِقَتْلِ الْقَصَايِدِ يَوْمَ مَا بَعْتَ السَّيْفَ .  
وَفَ سَاعَةَ الْحَسَمِ تَرَهْنَ ذِمَّتَكَ بِرَغِيفِ .  
أَمَّا الْوَطْنُ .. فَاتَرَكْهُ لِحِرَاسَةِ الْأَنْدَالِ  
لِغَرِبَتِهِ فِي الشَّتَا . وَذِلَّتِهِ فِي الصَّيْفِ .

---

فَتَحَ الحَجَر جِهَتِي .. وَأَنَا شَايِل الرِّشَاش  
رَبَطْتُ جِرْحِي - وَأَنَا بَاجِرِي وَرَاكَ - بِالشَّاش  
أَنَا بَاجِرِي بِمِرَّتِي .. وَأَنْتَ بَتَجِرِي .. بِالشَّاش  
وَقَبْلَ مَا يِلْعَمُكَ تَحْتَ الحَيِّم .. لَيْل  
حَاھِدِيكَ رِصَاصَه .. حَجَر يَدُكَ مَا يَنْعَھَاش .

صَّهِيُونِي .. بِأَرْحَفِ وَرَاكَ .. يَسْبِقُنِي لِيكَ غَضِي  
وَحَاقِلَتِيكَ : إِحْتِرَام .. لَوَضَعِنَا الْأَدْبِي  
إِرْفَع قِنَاعِي .... تَلَاقِ وَجْهَكَ الْعَرَبِي  
وَأَهْلَكَ الصَّامَتِينَ .. فِي صَمْتِهِمْ نَايِمِينَ  
عَجَبُكَ عَلَى صَمْتِهِمْ .. لَا يَقْلُ عَنْ عَجَبِي .

أَخَذُوا عَلَى وَجُودِي بَيْنَهُمْ .. وَاسْتَبَّ الْأَمْرُ .  
خَمَّارَهُمْ إِلَى عَشَائِنَاهُ .. حَبُّوا شُرْبَ الْخَمْرِ  
وَلَمَّا سَكُرُوا .. انْتَشَى زَيْدٌ مِنْ شَتِيَّةِ عَمْرُو .  
لَقِيتُ خَرِيطَةً وَطَنَكُمْ فِي الْعَرَا بَتَرِ عِشْ  
وَعَرَسْتُ أَنَا عَ الْخَرِيطَةَ بِأَيْدِي .. شَھَدَ قَبْرِ .



---

بازحف وراك فى الضلام .. والحاره مسدوده .  
خوِّفى ليه الحجر .. وانا ماشى بباروده ؟  
يابو إيد طويله قوى .. بشرابين مشدوده  
ياخيال مقاته .. يا حارس غيطك العربى  
ماشفتش الغيط بتاكله منك الدوده ..؟  
يا بحر .. إهجم قوى على الشطوط .. وارتد .  
لا الريح مواتياك .. ولا فيه بحر ساعده حد  
من حاره تحت الخيم .. جوّه شارع سد  
يابعدى عن إخوتى ... يابعد أوطانى  
أنت حيطان الصفيح الى متاويّه الورد .



---

لَسَّه مَاشِيعُتِش طُؤَافَه  
يِئَالِي بِتَطُؤُفْ مِنْ سَنِين ؟  
يَاقَر .. مَوْلُود فِي « يَافَا » ..  
وَآتَقْتَل .. فِي « دِير يَاسِين » ؟

لَسَّه مَاكُرِهْتُ الِئِيَالِي ؟  
لَسَّه مَاشِيعُتِش مَشَاهِدَه ؟  
يَاقَر .. حَالَك كَحَالِي  
ضِيَّعُونَا .... بِالمَعَاهِدَه .

يَاقَر .. هَدُّوَا قَبُورِنَا  
وَاسْتَبَاحُوا الِئِي فِ صَدُورِنَا  
دَمَّرُوا قُلُوبِنَا وَدُورِنَا .  
حَقَّنَا .. أَصْبَح خِرَافَه  
وَضَعْتُ يَابِلْدِي الْأَمِين .  
يَاقَر .. تَصْعَد فِي يَافَا  
تَتْرَمِي فِي دِير يَاسِين .

---

ع الزاتون والبرتقانه  
إرمى ضيّاتك أمانه  
إحنا يكرهنا الى خاين  
واحنا تكرهنا الخيانه

ياقر .. وغيوم بتحجب  
دمنا .. لما يسرب  
دنيا .. تحترم الى يغلب

حتى لو شيطان لعين .

ياقر .. بشر في يافا  
واتصلب في دير ياسين .

ياصبور .. الصبر واعر  
للدماغ .. وللمشاعر  
قلبي ندل وحننه داعر  
ليتنى ماكنت شاعر

كنت أفلت م الكين

صرختي بتموت في هسي .  
ليتنى ماغادرت أمي .  
ليتنى ما صاحبت نفسي .  
ليتنى ضميت خوامسي

يوم ما أقسمت اليمين .

---


ياقمر عاشنى فى يافا  
واتقتلنا ف دير ياسين .

ياقمر وانت المناره  
ألف وجهه لألف حاره  
إنت أطفال الحجاره

ياقمر .. وانا طفل مين ؟.

قلبي م الفرحه تأذى  
باحزن الأحزان بلدّه  
ياقمر .. عبرّ بعزّه  
عن ميلاد النور فى غزّه  
وف رام الله وف جنين .

ياقمر إغضب بحمدّه  
إنتفاضه مالهاردّه  
زى مافيه يافا واحده  
واحده برضك دير ياسين  
ياقمر خدّته ليافا  
خدّتى هوّه لدير ياسين



---

هَذَا أَوَانُ الْبَرَاءَةِ .. وَانْتَ يَا ابْنِي جَرِيءٌ  
وَبَتَجَرَّى عَ الْمَوْتِ .. عِشَانُ لِسِّهِ نَضِيفٌ وَبَرِيءٌ  
وَلَكُ أَسَاتِذُهُ يَحْتَرِفُوا النُّضَالَ عَ الرِّيقِ  
الْكَلْبِيِّينَ .. السَّمَاوَةِ .. إِلَى لَهْمِ قَلْبَيْنِ  
وَالِىَ يَخْلُوَا الْفَرِيقَ فِي سَاعَةِ أَلْفِ فَرِيقِ .

وَدُمُّكُمْ حَاقِبُضُهُ .. وَحَاطُطُهُ فِي جِيوْبِي  
وَشَمْسُكُمْ مَشَّ حَتَّى شَرَقَ إِلَّا فِي غُرُوبِي  
الْدَّمِ دَمِّي .. تَمَامٌ .. وَالتَّوْبُ صَحِيحُ تَوْبِي  
لَكِنِ الزَّمَنُ أَنْضَجَكَ إِنَّتِ .. وَعَرَّانِي  
دَمُّكَ ؟ تَعَالِ بُصَّ آخِرَ اللَّيْلِ فِي مَشْرُوبِي .

---

وتقول فلسطين ؟ فلسطين تاني ؟ مين دلك ؟  
وانت الى مولود يائيني ف حجر محتلك ؟  
محتلك اللي مراقب حتى لون ضلك !  
شال اسمها م الكتاب .. غير أسامي القرى  
كل شيء فيك وليك .. إيه الى فاضلك ؟

أص الأراضى سرق أرضك .. وراح سارقك  
وكان خلاص اعتقد إنه أعاد خلقك  
حق إحتا زيه .. نسينا إن دى أرضك  
وفجأة تنبت في قلب السكه قدامه  
بعاء فلسطيني .. غارس سنه في قلبك ؟

---

ده أعاد صياغتي أنا .. من غير ما يحكمني  
أعاد صياغتي بحورنان اللي حاكمني ..  
وبراديو .. ريجته - ولو من بعد - تزكني  
باعني .. اشتراي .. قطم قلمي .. كسر سيفي  
بدون ما اكلم عدوي .. أو يكلمني .

قلبي معاك ياريفقي .. إنا .. عاجز  
من كلام سنه باعمل الي ماعزت ولا عايز  
وطن .. يشرب دماء الحره في قزايز  
كان لينا وجهه بقي لنا سميت وجهه  
واشتروا عمرنا بشنات وبرايز .




---

جرحك سرى فى الثرى .. وانا جرحى مش مفتوح  
صدى الصديد فى الفؤاد .. نتن أنين الروح  
أنا منتظر يافتى موتك .. فارقنى وروح  
مانا حاقرا إسمك فى جورنان بكره فى سريرى  
وربما .. تيجى صورتك ع التراب مطروح

إتقــدّم العِلم والإعــلام .. بيغطبى  
وحكومتى باعتته رسايل خزيها بخطى  
مجبور أوطى معاهها .. لما .. بتوطى  
الفرق بيننا لاليك جورنان ولاحكومته  
ولامين يقولك أقف .. ولامين يقول : خطى

حوه صحيح .. إنا في المؤتمر والصوت  
 لكن ساعني بقى .. أنا ماليش فى الموت  
 حلوه حياقى كده .. وأنا حايبها موت .  
 كفايه أكتب قصيدة شعر آخر الليل  
 وأبتديها بفلسطين وانتهى ببيروت .  
 يامنتظرنى .. الحقيقة أنا الى منتظرك .  
 والّا .. تعالى .. أبرر عذرى مع عذرك .  
 أنا ثورقى .. لفظ .. كلمه .. حلم .. لاهو فكرك  
 لو كنت أقدر أبيع عرى عشان بكره  
 كان ليّه سكت انتظر لما تبيع عرك ؟  
 ويأبني صحتنا ليه ؟ صدقنا مانسنا  
 صدقنا مراكبنا مارشيت فى مراسينا  
 ونسينا جرح الجولان والدم فى سينا  
 جأى تبتدى القصة م الأول .. تقول : « اصحوا »  
 وإنّ مفروض تكون أول قتيل فينا .. ؟

○ ○ ○



---

ينام العالم العربي  
ليلاى .. زى مايينام  
بعواجزه .. بفتيانه  
بأطفاله .. بشبانه

قرا الجورنان  
وملا سيارته بالبنزين  
وشاف النشره بعد الضهر  
وقال فى الإنتفاضه كلام  
وحياها  
وبعدين نام .

---

نزل .. عمل « الشوينج » الصُّبح

وفات على شركة « الفيديو »

وغير شنطة الأفلام

لبس وقْلَع لبس وقْلَع

وَلَيْفَ نَفْسُهُ فِي الْحَمَامِ

وَحَطَّ « الْفَوْمُ »

وقام للنوم ..

يكل مَتَعْنَهُ أَحْلَامِ

ونام العالم العربي

ليلاقي .. زى ماينام .

وطول الليل صحيتوا انتو

ولا يَبُتُوا .. ولا يَمُتُوا .

تَلُّوا الجمر من تحت التراب والتَّلَج

تَضُّوا الجمر .. وتَغَيُّوا .

بَدَتْ بِحُجَارِهِ ..

وانتهت الحجاره بنار .

---

بَدِثُ أفراد ..

بقى لها جان : بين .. ويسار :

بَدِثُ .. لكن أهي فلسطين

بحور الناس ..

طوفات طوفات

موجات موجات

بترحف ع العدو بقوة .

كانوا عشرات

بقوا ميات

بقوا ألوفات

هتاف واحد بدال هتافات

بدن واحد بدال بدنات

علم واحد .. عليه اشارات

علم مظلوم

وجالّه اليوم

يرفرف توبّه في السماوات

---

وله ضحكات

وله همسات

وله صيحات

بیتقدم خطی الزاحفين

وبينادى : أنا فلسطين

أنا فلسطين

أنا فلسطين

ظلمتوني وأنا ادينى .. النضال دينى

وصوتى مازال

ولونى مازال

ورقصى مازال

فلسطينى

فلسطينى

فلسطينى

ميعادنا فى التاريخ قدام .

ونام العالم العربى

ليللاقى .. زى مايينام .

---

ودى الليله ..  
سهرنا نغنى بطولاتكم  
ونشرب كأس فى صحتكم ..  
وكأس ورا كأس  
فى صحة أحلا واجدع ناس .

قزازه تودى لقزازه .  
وحيينا البنات .. والصبر  
وحيينا الشباب والقبر  
فلسطين خضرا جوّه الخمر  
أغروده  
زغروده  
وموجوده  
وع الخطرطه ماهيش سودا .  
ماهيش محتله ولا حاجه .  
بتتكلم فلسطينى .  
وما فيهاش أى صهيونى .



---

فيها انتم بمانيكم  
بأغانيكم .  
باصراركم وأفكاركم  
وبكباركم وبصغاركم .  
شربنا ف صحة الثورة  
في صحة كل من يجسد الفكره .  
وقنا غمنا ..  
منتظرين نقوم بكره .

في دى الليله ..  
أنا .. نائم ..  
وصاحى عدوى يدفن في الشباب الحى  
بولدزرات .  
وخيّات ليّه مرميه من العالى  
بطيارات .  
نزل واحد على سريرى وانا نائم ..

---

جيت قايم ..

وانا مفزوع .

أحاول أبعد الجثثه .

أشيل الدم م الفرشه .

ألم دراع كان منزوع

وناشف ..

إنما .. مرفوع

بيهتف لسة رغم الموت

يصحى القصه فى سريرى

يشيل الحلم من راسى

لقت الريق مش مبلوع

وماليش صوت .

أو بانطق بصوت غيرى .

وقت ..

جريت للشارع .

رميت نفسى فى وسط عباد

وناقشنا حكاية دفنكم أحياء

وقلنا : يسقط الأعداء .

---

وهددنا الصهاينه هناك  
بميت قبضه فى وش الجوّ .  
وحينناك .. وهاجنا غَدَو السَّو .

لكن لما شعرت بجوع  
أنا .. حَوَّدت ع الحاقى .. طلبت كباب  
معا .. بيره .  
أنا أصلى باحب اللحم .. والبيره .  
لقيت قلب الطبق  
مكتوب عليه ( بيت لحم )

وع البيره  
لقيت مكتوب ( البيره ) .  
سكرت .. وطففت  
بين الصَّحَّيان والوهم .

لقيتني ف يافا .. وف حيفا  
وفى نائلس .. وفى الناصره  
وفى الضفّه .. وفى غزّه .  
وقشعر جسمى ..  
- ساعة الحزن ليه هزّه -

---

خُفْتُ .. وقت  
هربت قوام  
لقيت نفسي في قلب البيت  
لقيت الفرش من غير دَم ..  
عرفت أنام .  
أنام ..  
والعالم العربي ..  
سبقتي ونام .

ياختي .. إنت وحداني .  
أنا صاحبك في جورناتي .  
ساعة مايدبحوك .. أصرخ  
وأتلوى في أحزاني .

---

لكن عمرى مامدیت ید

أخوش بالید مدّة ید .

أنا مؤهبتى فى لسانى

ومش موهوب فى شىء تانى ..

ولا مقاتل

ولا محارب

ولا مودى

ولا جايب

حبيبك .. إنما شفوى وقلباوى .

لكن لا طيبب ولا مداوى .

ولا باعرف أخوض الموت ..

ولا ناوى .

أنا فى كل ده خايب

ومش ضهرک

ومش سندک

ومش بلدى

ومش بلدک

وباستغرب على جلدک .

---

سوح تحس بالحاجه لِحَيِّكَ يوم ..

حتنادى ..

تلاقينى فى عزّ النوى

أنا .. والعالم العربى ..

ليلاقى ..

زى ما بننام .



---

ثَوَارَ بِلَا أَرْض .. زى السيف من غير يَدَ  
ثوار بلا أرض .. غُرْبُهُ .. لا يَحْدُهَا .. حَدَ  
ثوار بلا أرض .. موت .. والموت مايسأل حَدَ  
بِأَنْسَلْ سَرْقَهُ من الأعداء وم الأخوه  
ولو اتقتلت .. اوعى تسأل : مُتْ بِأَنْهَى يَدَ ؟

موت الفلسطينى حَقَّ .. يَا أُمَّهُ لَا تَسْأَلِ  
وَالْأَفِين حَقَّ دَمِ صَدِيقِنَا نَاجِى العلى ؟  
أهُودُهُ إِلَى مَقْتُولِ بِأَيْدِ اللَّيْلِ لِمَا خَلِى  
أَنَا إِلَى قَاتِلِهِ بِأَيْدِى .. وَأَدَى نَقِطَ الدَّمِ  
يَاعَمَّ .. سِيبَ الْبَلَا .. يَوْنَسَ الْمَبْتَلَى .

وَرِغْمَ كُلِّ الْحَصَارِ .. عَلَيْنَا كَلِمَتُهَا  
مَا قَدَرَشْ أَقُولُ أَنَا ... رَدَيْنَا غَرِبَتُهَا  
فَإِذَا فِيهِ هُنَاكَ بِذَرُهُ أَنَا إِلَى مَنَبَّتِهَا  
الدَّمِّ عَمْرُهُ مَا غَابَ تَحْتَ الْهَوَا وَالشَّمْسِ  
وَمَعَ النَّدَى وَالْمَطَرِ .. نَبَتَ فِي تَرْبَتِهَا



---

كُلُّ الْقَوَى .. كُلُّهَا .. مِنْ خَارِجِي لُدَاخِلِي  
حَيْتَ إِلَى سَارِقِ بِلَادِي بِجَوْهَا السَّاحِلِي  
سَابَ أَلْفَ أَلْفَ وَطَنٍ .. وَوَطَنِي فِي عَيْنِيهِ حِلِي  
كُلُّ الْقَوَى .... أَمَّا إِخْوَاتِي « وَلَادِ يَعْقُوبِ »  
شَدُّوا وَثَاقَ الْوَطَنِ وَعَجَّزُوا كَأَهْلِي .

عَارِي الْإِيْدِينَ وَالْقَدَمِ .. وَاقِفْ لِأَعْدَاءِكُمْ  
هَوَّ النَّهَارِدهِ هُنَا .. بِكَرِهٍ تَلَاقُوهُ جَالِكُمْ  
فَهَلْ تَخْرُجُ تَوَاجُهُهُ زَيْي .. أَطْفَالِكُمْ ؟  
وَلَا سَوَاقِي النَّضَالِ وَقِفْتُ وَمَاءَهَا جَفَّ ؟  
بِأَحَبِّ حَالِي فِي يَوْمِ مَا بَاشَوْفِ أَحْوَالِكُمْ .

وَسَاوَمُوا يَّيَّا .. يَا تَجَارِ الْسَّلَامِ .. سَاوَمُوا  
أَنَا الْفَقْرَ الْحَزَّ .. إِلَلِّي عِلَّتْهُ .. قَوْمُهُ  
قَوْمِي إِلَى يَوْمِ مَا أَنْادِيهِمْ يَطْرُشُوا وَيَغْمُوا  
وَحَنَظَلَمُوا أَحْنَا إِلَى فَرَطْنَا فِي أَرَاذِينَا  
وَحَنَظَلَمُوا أَنْتُوا إِلَى يَوْمِهَا كُنْتُوا بِتَقَاوَمُوا .

---

ورحلتَكَ في الخطي والخدم .. للبدأ  
رحلة ثقيلة الهموم أغلبها يتصدق  
يوم مانت شلت السلاح أنا قلت أهه حابداً  
بانت طليعة العرب ياخسة يناستين  
الحلم باين عليه فعلا .. حيثحقق .

في السكه ماتوا الرفاقه اتنين وتلاته  
ميه في ميه .. وألف في ألف في تلاته  
واما زحمتوا المدن .. عاملو كوا .. بقاته  
وضاق عليكم الوطن .. وهو ضاق بكم  
دبحوكوا تحت النهار .. بحقد وشماته .

إيه يعمل الحزن لما الباع يكون قاصر ؟  
دماكو تصرخ ولا منجد ولا مناصر  
والى عى فينسا هو اللى بيتباصر  
م الدم للدم .. بعد الدم ... دم ودم  
في الدم - لما على - غرق الزعيم ناصر .

---

اتقسموا فرقتين والفرقتين مساكين  
طلت احارب في طول مائمتين متحارين  
نصى الشمال كل ليل ياكل في نصى اليمين  
وكل عام مذبحة .. ايه تعمل الاناشيد ؟  
وكل عام نزحفوا لى قتل طايعين ؟

قالوا : الدما للوطن هو الضيا للكرب  
وانت رحيل من رحيل وحرب تولد حرب  
اجنا انتصرنا .. وساعدنا عليك الرب  
تزعج كراسى العروش .. وتعلم الثوره ؟  
ادى اسرائيل وانت منفى هناك فى آخر الغرب .

سابوك تحب « السفيره عزيزه » يا « يونس »  
ناخد على الرقده تحت الخضره فى تونس  
ونس جيله قوى .. وفى الونس تونس  
فى الغرب أغرب وخد وياك فلسطينك  
فى بحرنا العربى .. تانى الحوت بلع يونس .

---

آدى بلاد العرب .. قوللى فاضلّ لك مين ؟  
وف يوم ما غادرت بيروت قوللى طردك مين ؟  
على الموانى انتظرنّاك والسّفن .. مارّين  
لوّحتوا لينّا .. ولوحنا لكو .. وسألنا :  
ليه احنا وانتو بنضحك يومها .. مش عارفين .

إنت واخوك والخريطه والشهيد .. يابلاش  
آدى فلسطين أهـه .. إتفرجوا ببلاش  
الثوره فى سفينه .. لوحه الدنيا ماتعدهاش  
يابزكة الزيت ياداخله قلبى تسكن فيه  
مات الوطن كل يوم .. واحنا الى ماعرفناش .

وف تونس الخضره .. توارىنى تصفى الدم  
البين قفل الباروده يوم مافتح الفم  
وعدوى له ضحكه صفرا لايهمها م  
طار المسافه .. وطال الدم فى تونس  
ياجرح مالك بتوسع .. إبقى راح تتلم ؟

---

خَلَى سَفْـلَـاينِ الأَلَمِ .. عَلَى الجِرَاحِ .. تَرسَى  
أَنَا مِثْلَ بالَوْمِكَ .. أَلَوْمِكَ ؟ طَبَّ مَالَوْمِ نَفْسِي  
أَلَهْمُ مِنْ كَثَرَتِهِ قَسَاسِي .. وَبَيْنَسِي  
خِيَالِ مَقَاتِهِ بَقِيَتْ .. بِأَحْرُسِ عَنَبِ غَيْرِي  
أَمَّا الْعَدُو .. فَبَاحِثُهُ مَخْتَفِي فِي جِسِّي .

مَاتَ الزَّمَنُ حَوْلَنَا .. وَمَالَتْ حِيطَانُ الْحَلَمِ  
غَاضَتْ دِمَانَا .. طَفِينَا فَوْقَ مَجْمُورِ السَّلَمِ  
تَقُولُ بِسَدُونِ عِلْمٍ لَكِنْ فِي الْحَقِيقَةِ بِهِ بَعْلَمِ  
مُجَانِي مُتْنَا .. سَبَاقُ فِي الْمَوْتِ بِلَا مَعْنَى  
كَأَنَّ دَمَ اللَّيِّ مَاتَ ... أَنْتَجْنَا بِهِ الْفِيلِمَ .

وَفَجْأَةً أَنْتَ تَشْقِ الْمَوْتَ وَتَأْتِينِي  
يَا أَيُّهَا الطَّائِرُ الْحَرَّ الْفِلَسْطِينِي  
أَنَا تَهْتُ عَنْهَا وَادَى أَنْتَ قَتَ تَهْدِينِي  
تَنْجِدُنِي مِنْ إِسْمِي وَتَحْرِّرُنِي مِنْ صَوْتِي  
وَتَشْدُنِي لِلْغُنَا .. تَهْتَفُ وَتَدِينِي .

---

العالم العربي خرس  
فاتكلم الكونغرس  
وأمر بقفل منظمة تحريرنا يافلسطين  
واللى موافق ينبسط  
واللى معارض .. يتفرس .

يا كونيغرس

إنت مريح  
علشان صريح  
تعتز حق بالعداء  
وتكره السلم المزيف .. والغباء  
وتملئ تخرج أصدقاءك ..  
واللى حاطينك فى خيرة الأصدقاء

---

ياكونجرس

ياذلك المبنى المهيّب

ياذلك الصوت المريب

ياذلك الشيء الرهيب

عرك ماكنت غريب ولاعجب

لابتختفى خلف الكلام

ولاتحترس .

صدّقك فصيح .. ويندرس .

واما نطقت بالقرار

العالم العربي .. خريس .

أو ..

قال : باحسن بالأسف لقرار أخونا الكونجرس .

وادی أمیرکا .. والعرب .. وادی القرار .

ياإبنی شیّع الحجر ..

ياإبنی إحرق الإطار .

أول بداية الثورة يابن اللاجئین .

فات أربعین عام يافتی ..

من يوم تمانیه واربعین .

---

الى اقتتل والى اتأسر  
أكثر كتير م الى نجا .  
يسقط قانون البلطجه .  
الشمس ساطعه فى الدجى .  
الدائره دارت ..  
ثوره .. ويسكتها مين ؟

ياأيا القلب الحزين  
إفتح بيبانك للهوا  
الدم رمز العاشقين  
والدم للأمه دوا  
ياما ترابك يا فلسطين ارتوى  
دمّ القلوب العطشانين .  
يا أمهاتنا فى الخيام ماترغرتوا  
وقموا النهارده تمانيه فى عرض الطريق  
شرب التراب وبل ريق ..  
وقف العدو مذهول يدور فى عجب  
عن السبب  
يسأل .. وأول مره أشوف وشّ العدو  
- ساعة السؤال - فعلا برىء .





من كتر ماصّدق سلاحه المفترس  
من كتر ماصلّى ووراه الكونجريس  
من كتر يافلسطين في أرضك ماورث .

يعنى بنفهم في الغضب  
يعنى مامتناش ياعرب  
والصدق ممكن في قلوبنا يتغيرس .  
حقيقتنا واضحه ..  
تتّظير .. وتتلّمس .

يا أيها الطفل العنيد  
يا أيها البطل الجديد  
خد الرصاصه واتقتل  
خد السلاسل واتحبس .  
ودوس برجلك ع الصهاينه  
والخيانه  
والعماله  
والقرار  
والكونجريس .



## صدر للشاعر

١٩٨٥، ١٩٧٥، ١٩٦٤ :	ديوان شعر	١ - الأرض والعيال
١٩٨٥، ١٩٧٦، ١٩٦٧ :	ديوان شعر	٢ - الزحمة
١٩٦٨ :	ديوان شعر	٣ - عماليات
١٩٨٥، ١٩٧٧، ١٩٦٩ :	ديوان شعر	٤ - جوابات حراجي القط
١٩٨٥، ١٩٧٠ :	ديوان شعر	٥ - الفصول
١٩٨٥، ١٩٧٢ :	سيرة إنسان	٦ - أحمد سماعين
١٩٧٣ :	ديوان شعر	٧ - أنا والناس
١٩٧٥ :	ديوان شعر	٨ - بعد التحية والسلام
١٩٧٨، ١٩٧٥ :	قصيدة طويلة	٩ - وجه علي الشط
١٩٨٥، ١٩٧٥ :	ديوان شعر	١٠ - صمت الجرس
١٩٨٥، ١٩٧٩ :	ديوان شعر	١١ - المشروع والمنوع
١٩٨١ :	قصيدة طويلة	١٢ - المد والجزر
١٩٧٨ :	دراسة مترجمة	١٣ - السيرة الهلالية
١٩٩٥، ١٩٨٨ :	قصيدة طويلة	١٤ - الموت علي الاسفلت
١٩٨٨ :	الأجزاء الثلاثة الأولى	١٥ - ١٦ - ١٧ - سيرة بني هلال
١٩٩١ :	الجزءان الرابع والخامس	١٨ - ١٩ - سيرة بني هلال
١٩٩٢، ١٩٩١ :	قصيدة طويلة	٢٠ - الاستعمار العربي
١٩٩٥، ١٩٩٤ :	الجزء الأول	٢١ - المختارات









ومازال نهر العطاء يتدفق، تتفجر منه ينابيع المعرفة والحكمة من خلال  
إبداعات رواد النهضة الفكرية المصرية وتواصلهم جيلاً بعد جيل - ومازلنا  
نتشبت بنور المعرفة حقاً لكل إنسان ومازلت أحلم بكتاب لكل مواطن  
ومكتبة في كل بيت.

شبّت التجربة المصرية «القراءة للجميع» عن الطوق ودخلت «مكتبة  
الأسرة» عامها الخامس يشع نورها ليضيء النفوس ويثرى الوجدان بكتاب  
في متناول الجميع ويشهد العالم للتجربة المصرية بالتألق والجدية  
وتعمدها هيئة اليونسكو تجربة رائدة تحتذى في كل العالم الثالث،  
ومازلت أحلم بالمزيد من لآلئ الإبداع الفكري والأدبي والعلمي تترسخ في  
وجدان أهلى وعشيرتى أبناء وطنى مصر المحروسة، مصر الفن، مصر  
التاريخ، مصر العلم والفكر والحضارة.

سوزان

Biblioteca Alexandrina



0253380



مائة وخمسون قرصاً

١٩٩٨

مكتبة الأسرة  
مهرجان القراءة للجميع

مطابع الهيئة المصرية العامة للكتاب